



JUDICIAL SYSTEM MONITORING PROGRAMME  
PROGRAMA MONITORIZASAUN BA SISTEMA JUDISIÁRIU

**Komunikadu Imprensa**  
**30 Juñu 2016**

**JSMP husu ba média atu habelar informasaun ho kredível no edukativu ba públiku**

JSMP preokupa ho notísia ida husi jornál Suara Timor Lorosae, pajina 4, edisaun Kuarta (22/06/2016) ho titlu “Prevene Violénsia Doméstika iha Familia, Feto tenke Kalma” ne’ebé públika nu’udar deklarasaun hosi juis nian maibé tuir loloos ne’e opiniaun no konkluzau hosi jornalista nian.

“Notísia ida ne’e la representa juis sira nia hanoin no bele enkoraja ema atu kontinua fó-sala ba vítima violénsia doméstika ba krime ne’ebé ema halo hasoru sira,” dehan Luis de Oliveira Sampaio, Diretór Ezekutivu JSMP.

“JSMP konsidera katak papel média no jornalista importante tebes ba konstrusaun estadu nian, tanba ne’e JSMP husu atu média no jornalista sira tenke fo sai informasaun ho kredível, tuir faktus no loos.”

Embora notísia ne’e hetan ona revizaun/koresaun iha 27 Juñu 2016, maibe notísia ne’e representa qualidade notísia ne’ebé prejudika prinsípiu sira kona-ba funsaun komunikasaun sosiál tuir artigu 3, direitu ba informasaun tuir artigu 7 no dever jerál tuir artigu 20 hosi Lei Komunikasaun Sosiál.

Média nu’udar instrumentu no meius ne’ebé uza hodi fó sai informasaun importante ba públiku. Públiku iha direitu atu simu informasaun ne’ebé loos, asegura objetividade informasaun no tenke haketak faktu no opiniaun<sup>1</sup>. Nune’e média tenke fó sai informasaun ho kredível no asegura katak informasaun ne’ebé atu fó sai ba públiku verifika ona nia verdade tanba sidadaun sira iha direitu

---

<sup>1</sup> Artigu 7 Lei Komunikasaun Sosial, Lei Nú 5/2014 kona-ba direitu ba informasaun bele asesu iha jurnal da repúblika iha link ne’e [http://www.mj.gov.tl/jornal/public/docs/2014/serie\\_1/SERIE\\_I\\_NO\\_39.pdf](http://www.mj.gov.tl/jornal/public/docs/2014/serie_1/SERIE_I_NO_39.pdf)

atu simu informasaun ne'ebé loos<sup>2</sup>. Aleinde ne'e informasaun ne'e tenke edukativu, onestu, no labele publika informasaun ne'ebé falsu ka tuir boatus<sup>3</sup>.

JSMP enkoraza jornalista sira hotu atu asegura katak notísia sira ne'ebé hato'o ba públiku tenke iha tuir faktus no husi fontes ne'ebé kredível.

Atu hetan informasaun liutan favór kontakta:

Luis de Oliveira Sampaio

Diretór Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

---

<sup>2</sup> Artigu 4 Lei Komunikaun Sosial, Lei Nú 5/2014 kona-ba dever hosi media bele asesu iha jurnal da repúblika iha link ne'e [http://www.mj.gov.tl/jornal/public/docs/2014/serie\\_1/SERIE\\_I\\_NO\\_39.pdf](http://www.mj.gov.tl/jornal/public/docs/2014/serie_1/SERIE_I_NO_39.pdf)

<sup>3</sup> Artigu 4 Lei Komunikaun Sosial, Lei Nú 5/2014 kona-ba Dever jeral sira hosi jornalista bele asesu iha jurnal da repúblika iha link ne'e [http://www.mj.gov.tl/jornal/public/docs/2014/serie\\_1/SERIE\\_I\\_NO\\_39.pdf](http://www.mj.gov.tl/jornal/public/docs/2014/serie_1/SERIE_I_NO_39.pdf)